

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0011293 15
Sarajevo, 22.12.2021. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

1. ZORAN ILIĆ, [REDACTED] 25.10.1968.godine u Rogatici, [REDACTED]
[REDACTED]

2. RADENKO ILIĆ, [REDACTED] rođen
11.01.1965.godine u Rogatici, [REDACTED]
[REDACTED]

Što su:

U periodu od kraja maja 1992.godine do kraja 1993.godine u općini Rogatica u okviru širokog i sistematičnog napada vojske Srpske Republike BiH, a potom vojske Republike Srpske, usmjerenog protiv nesrpskog civilnog stanovništva na području općine Rogatica, osumnjičeni Zoran Ilić i Radenko Ilić, kao pripadnici vojske Srpske Republike BiH, a potom vojske Republike Srpske, i to Rogatičke brigade VP 7084 Rogatica, znajući za taj napad i da njihove radnje čine dio napada, učestovali u progonu bošnjačkog civilnog stanovništva na nacionalnoj i vjerskoj osnovi, postupajući sa diskriminatornom namjerom, suprotno pravilima međunarodnog prava i to prisilnim nestankom osoba, civila Bošnjaka iz naselja Rudo, općina Rogatica, tako što su:

Dana 19.06.1992.godine u naselju Rudo, općina Rogatica, u poslijepodnevним satima, Zoran Ilić i Radenko Ilić, naoružani i u uniformama, zajedno sa drugim njima poznatim vojnicima učestovali u nezakonitom lišenju slobode civila bošnjačke nacionalnosti [REDACTED]

[REDACTED] na način da su Zoran Ilić i Radenko Ilić, nakon što je stradalo nekoliko pripadnika vojske Srpske Republike BiH u gornjem dijelu naselja Rudo, zajedno došli pred podrum kuće vlasništvo Miroslava Jovičića u donjem dijelu naselja Rudo, u kojem su se nalazili civili bošnjačke nacionalnosti, muškarci, žene i djeca, gdje im je naredeno da borave dok je trajao napad pripadnika vojske Srpske Republike BiH na gornji dio naselja naseljenog bošnjačkim stanovništvom, da bi zatim naredili sa vrata podruma da svi muškarci napuste podrum i izađu u dvorište ispred podruma jer idu u zarobljeništvo, nakon čega su muškarci napustili podrum, a odmah potom bili postrojeni u kolonu, gdje su u pratnji i pod prijetnjom oružja odvedeni od strane Zorana Ilića, Radenka Ilića i drugih njima poznatih vojnika u nepoznatom pravcu od kada im se gubi svaki trag i čija tijela do danas nisu pronađena.

Dakle, u okviru širokog i sistematičnog napada vojske Srpske Republike BiH, a potom vojske Republike Srpske, usmjerenog protiv nesrpskog civilnog stanovništva na području općine Rogatica, osumnjičeni Zoran Ilić i Radenko Ilić kao pripadnici vojske Srpske Republike BiH, a potom vojske Republike Srpske, i to Rogatičke brigade VP 7084 Rogatica, znajući za taj napad i da njihove radnje čine dio napada, učestovali u progonu bošnjačkog civilnog stanovništva na nacionalnoj i vjerskoj osnovi, postupajući sa diskriminatornom namjerom, suprotno pravilima međunarodnog prava i to prisilnim nestankom osoba, civila Bošnjaka iz naselja Rudo, općina Rogatica.

Čime bi počinili krivično djelo Zločini protiv čovječnosti iz člana 172. stav 1. tačka h) u vezi sa tačkom, i), a sve u vezi sa članom 29. i članom 180.stav 1. Krivičnog zakona Bosne i Hercegovine.